

TEKS UCAPAN
BRIG JEN DATO' PROF. DR. KAMARUDIN HUSSIN
Naib Canselor
Universiti Malaysia Perlis

SEMPENA
SYARAHAN UMUM PROFESOR ADJUNG UniMAP
DI DEWAN KEIKHLASAN PADA 14 JANUARI 2009

Bismillah Hirrahman Nirrahim

Yang Berhormat Senator Tan Sri Dato' Dr Haji Jins Shamsudin, Tokoh Seni Dan Perfileman Negara selaku Profesor Adjung UniMAP,

Yang Berbahagia Prof. Dr. Sazali Yaacob, Timbalan Naib Canselor (Akademik dan Antarabangsa) UniMAP,

Yang Berbahagia Prof. Dr. Zul Azhar Zahid Jamal, Timbalan Naib Canselor (Penyelidikan dan Inovasi) UniMAP,

Pegawai-Pegawai Utama UniMAP, Dekan-Dekan Dan Ketua-Ketua Jabatan,

Warga kerja Universiti Malaysia Perlis seterusnya Pelajar-pelajar yang dihormati dan dikasihi sekalian

Assalamualaikum Warahmatullahi Taala Wabarakatuh Dan Salam Satu Malaysia.

Good Evening, Wan Shang Hao, Maalai Vanakam, Ma Sa An Khair, Ra Thri Sawat.

Alhamdulillah, bersyukur ke hadrat Allah Subbahanu Wa Taala di atas limpah kurnia serta rezeki yang dicurahkan, kasih dan sayang-Nya mengizinkan kita semua dapat bersama-sama pada hari ini untuk mendengar sesi **Syarahan Umum Profesor Adjung UniMAP 2010** yang akan disampaikan oleh **Yang Berhormat Senator Tan Sri Dato' Dr Haji Jins Shamsudin** seorang karyawan terkenal tanah air.

Hadirin dan hadirat sekalian,

Di kesempatan ini, saya ingin mengambil peluang untuk merakamkan ucapan penghargaan dan terima kasih kepada Yang Berhormat Tan Sri di atas sudi meluangkan masa untuk hadir pada hari ini bagi menyampaikan ceramah mengenai “Filem dan Industri Kreatif”. Apa yang saya harapkan semoga segala input dan ilmu yang bakal disampaikan sebentar lagi akan dijadikan panduan serta landasan kepada semua Warga UniMAP.

Sebelum saya meneruskan ucapan saya ini, saya pasti masih belum terlambat lagi untuk saya mengucapkan “**Selamat Tahun Baru**”. Diharapkan tahun 2010 yang bakal kita harungi ini akan memberikan lebih kejayaan serta kecemerlangan buat kita semua.

UniMAP kini sedang bergerak maju bagi memantapkan semua bidang dalam usaha untuk merealisasikan pelan strategiknya. Kecemerlangan akademik, sukan, kebudayaan, penyelidikan, jaringan hubungan antarabangsa, kelestarian universiti dan tadbir urus korporat adalah faktor penyumbang ke arah kemajuan yang berterusan kepada universiti.

Menyedari akan kepentingan itu, Syarahan Umum Profesor Adjung Universiti Malaysia Perlis 2010 ini telah dianjurkan sebagai pembuka tirai tahun 2010 dan bersempena dengan berlangsungnya **Minggu Festival Filem dan Video Pelajar Malaysia (FFVPM) ke - 7** ini.

Hadirin yang saya kasihi sekalian,

Seperti yang semua sedia maklum, Festival Filem dan Video Pelajar Malaysia sedang berlangsung mulai hari ini iaitu 14 Januari sehingga 16 Januari 2009. Pelbagai aktiviti menarik telah diatur seperti pameran multimedia, pendidikan dan komersial di Kayangan Square, berhampiran The Store, Tayangan pelbagai filem seperti Bukit Kepong, Ali Setan, dan Geng, seminar dan ceramah seperti yang berlangsung pada petang ini. Selain itu juga, majlis perasmian yang direncanakan pada esok hari serta acara yang paling kemuncak sekali adalah malam anugerah yang bakal dilangsungkan di Dewan 2020 pada 16 Januari 2009 (Sabtu).

Apa yang saya harapkan adalah, dengan pelaksanaan Festival Filem di Perlis secara tidak langsung dapat membuka minda warga Perlis agar lebih mencintai dan menghargai Filem serta karya seni kerana setiap Filem atau karya yang dihasilkan mempunyai nilai - nilai moral yang tersendiri.

Berbalik saya pada syarahan kita pada petang ini, syarahan umum oleh Profesor Adjung ini adalah bertujuan membawa tokoh-tokoh perfilamen dalam negara yang banyak menyumbang keringat dalam bidang industri seni disamping pernah memenangi pelbagai anugerah di peringkat nasional untuk sama-sama berkongsi idea. Ia juga sebagai platform komunikasi yang berkesan untuk berkongsi pelbagai pengalaman luas dalam bidang pendidikan dan akademik kepada seluruh warga UniMAP.

Ini kerana saya berpendapat kejayaan sesebuah universiti tidak hanya pada satu-satu bidang sahaja, tetapi perlu kepada kepelbagaian bidang termasuk dalam bidang kesenian. Saya berharap program sebegini secara tidak langsung dapat menjadi pencetus semangat untuk terus menyumbang kepada pembangunan universiti ini dan sekaligus menjana pembangunan pendidikan tinggi Negara.

Selain itu, melalui program ini juga, kita dapat bersama-sama berkongsi maklumat, idea, pengalaman, kepakaran untuk menuju kepada wawasan pendidikan tinggi UniMAP bagi membuktikan bahawa aspek pendidikan kejuruteraan penting kepada semua bidang. Ia juga turut memberikan pendedahan yang berterusan kepada warga UniMAP supaya semua staf dan pelajar prihatin akan kepentingan bidang penyiaran dan

seni bagi mencetuskan inspirasi dan semangat ke arah kecemerlangan universiti terutamanya dalam bidang teknologi perfilamen dan kepentingan kejuruteraan dalam aspek seni dan hiburan tanahair.

Hadirin dan hadirat sekalian,

Sebelum saya mengakhiri ucapan saya pada petang ini, sekali saya ingin merakamkan jutaan terima kasih kepada **Yang Berhormat Senator Tan Sri Dato' Dr Haji Jins Shamsudin** di atas kesudian melapangkan masa untuk bersama-sama kita pada hari ini bagi menyampaikan syarahan umum Profesor Adjung UniMAP.

Semoga apa yang bakal disampaikan oleh orang yang berpengetahuan luas seperti beliau ini sedikit sebanyak dapat membantu tuan puan sekalian dalam memahami istilah sebenar "**Filem dan Industri Kreatif**".

Sekian,

Wassalamualaikum Warahmatullahi Wabarakatuh.